

Ugly Kid Joe: «Rock gogorraren joera berria sinpleagoa izatea da»

Def Leppard eta Ugly Kid Joe taldeek gaur Donostiako belodromoan joko dute



Ugly Kid Joe taldearen zuzeneko emanaldiak gogorrak izaten dira oso.

J. M. GARZON

Whitfield (ahotsa), Roger Laht (gitarra), Klaus Eichtadt (gitarra), Cordell Crocket (baxua) eta Mark Davis (bateria), Ugly Kid Joe rock gogorreko talde iparramerikarreko kideak, gaur 20.45etan Donostiako Anoeta belodromoko taula gainean izango dira, Erresuma Batuko Def Leppard taldearen aurretik jotzeko.

PAKO ALDANONDO / MADRIL

Sheffielden (Erresuma Batuan) sorturiko Def Leppard rock gogorreko taldearen gaua izango da gaurkoa, hainbat arazo zirela medio urtetan atzeratu den 'Adrenaline' azken diskoa aurkeztu asmoz. Pop eta ukitu melodiatuak dituen rock gogorra egiten duen talde hau, ez da berria gure artean eta aurretik ere jo izan dute gurean.

Baina bada berria talde klasiakoaren aurretik joko duen Estatu Batuetako hegoaldean sortua den Ugly Kid Joe (Joe gazte itsusia). Bi talde hauek estilo bereko zakuan sartzen badira ere, azken hauek rock freskoa eta berriztatzailea egiten dute. 1989an sortuak 'As ugly as they manna be' izeneko diskoarekin eman ziren

ezagutzera. Ez dira itsusiak, eta ez dute Joe izena. Pretty Boy Floyd (Floyd mutil ederra) taldearen izena kontrako zentzuaz parafraseatu nahian sortu zuten euren. Madrilen aurkeztu dute aste honetan euren zuzeneko indartsua eta bertan harrapatu ditugu Ugly Kid Joe talde gazteko kideak.

EGUNKARIA.— Sarritan esan izan den moduan talde dibertigarri eta ganberroa al da Ugly Kid Joe?

UGLY KID JOE.— Musika egitea eta jotzea oso maite dugu. Baina egia da ospea edo diruagatik baino, ondo pasatzeagatik eta mundua apur bat ikustegatik gaudela honetan. Berezi dibertitu egiten gaituelako musika egiteak.

EGUNKARIA.— Hori al da musika industriari falta zaiona, negozio gutxiago eta gogo handiago?

UGLY KID JOE.— Ene iritziko talde gehienek gustuko dutelako jotzen dute. Urte asko egon behar izaten da sosik irabazi gabe eta kontraturik ezin lortuz. Eta benetan gustuko ez baduzu egiten duzuna, nekez egingo zenukeen. Honen ondoan industria dago. Konpainien mundua, mahai baten atzean kalkuluak egiten ari den negozio gizon bat... Baina musika taldeari dagokionez, garrantzitsuena egiten duzun hori gustuko izatea da.

«Arrakastak, egia esan, nahiko bat-batean harrapatu gaitu. Inoiz ez genuen pentsatu diskoak egin duen moduan funtzionatuko zukeenik».

«Van Halen, Judas Priest, AC-DC, Scorpion... horrelako heavy talde erraldoiak oso gustuko ditugu, 70eko hamarkadaren bukaerako eta 80 hasierako heavy taldeak erreferentzi puntu garrantzitsua dira».

EGUNKARIA.— Noraino zarete arrakastak ezustean harrapatu duen lagun talde bat?

UGLY KID JOE.— Arrakastak, egia esan, nahiko bat-batean harrapatu gaitu. Inoiz ez genuen pentsatu diskoak egin duen moduan funtzionatuko zukeenik. Urte asko generamatzan elkarrekin jotzen eta kantuak egiten baina hala ere, harritu egin gintuen arrakastak har dezakeen abiadura. Egia da sakonean oso lagun onak osatutako taldea gara, baina arrazoi profesionalak daude horren gainetik. Baxu jole bat eta gitarra jole bat taldetik bota genituen, behar besteko kalitatea ez zutelako, nahiz eta oso lagunak genituen eta ditugun. Baina garrantzitsua da oso, musikaren alorrean elkarrekin jotzean konpenetratzioa erabatekoa izatea.

EGUNKARIA.— Eragin anitz eta desberdinak ditu Ugly Kid Joe taldeak. Zeintzu esango zenituzkete direla nagusiak edo aipagarrienak?

UGLY KID JOE.— Van Halen, Judas Priest, AC-DC, Scorpion... horrelako heavy talde erraldoiak oso gustuko ditugu, 70eko hamarkadaren bukaerako eta 80ko hasierako heavy taldeak erreferentzi puntu garrantzitsua dira. Parliament bezalako dantzarako taldeak ere entzuten ditugu.

EGUNKARIA.— Heavy banda handi klasikoak aipatu dituzu baina musika mota horren berri-tzailatzat hartu zaituztete, zein etorkizun ikusten diozue musika honi?

UGLY KID JOE.— Ez dakit, galdera zaila da. Gauza asko gerta daitezke etorkizun urrunean. Lehenik eta behin esan behar da gauza asko daudela, heavy rock eta hard rock munduan oraindik ere egiteko. Elementu asko daude sartzeko edo sar daitezkeenak bederen. Baina joera uste dut gauzak sinplifikatzera joatea dela, muntaia txikiagoak, ikusgarritasun eta barrokotasun gutxiago.

EGUNKARIA.— Donostian egingo duzun zuzeneko emanaldian zer topatuko dugu?

UGLY KID JOE.— Teloneroak garenaz, taula nahiko sinplea izango da eta ez da gauza askorik izango.

LABURREAN

PIKOR taldearen antzezlanari bihar Gasteizen

Pikor taldeak 'Naftalina' antzezlanari eskainiko du bihar arratsaldeko 6.30etan Principal antzokian, Udalak hilabete honetako igandeetan antolatutako gazte eta haurrentzako zikloaren barruan. Anna Rita Fiaschetti eta Miguel Olmeda dira aktoreak eta Carmen Silla zuzendaria. Ziklo hau datorren igandean amaituko da Teatre Arcak egingo duen 'Espiritu-Viaje al recuerdo' lanarekin ●

MANOL GARCIAren argazkiak ikus daitezke Erromon

Imanol Garcia argazkilari bilbotarrak azken hamabost urteotan egindako lanen erakusketa zabaldu du Erromon. Erakusketak argazki zuri-beltzak besterik ez ditu biltzen eta maitzaren 29ra arte zabalik iraungo du. Argazkilariak adierazi duenez, «hauxe izango da zuri-beltzeko argazkiekin egingo dudana azken erakusketa» ●

RICHARD MURPHY zinemagilea hil da Los Angelesen

Richard Murphy zinema zuzendari eta gidoigilea hil da buruko odol ixuri baten ondorioz 81 urte zituela. Murphyk izendapen bat jaso zuen Oscar sariaren banaketarako 'Boomerang' filmean gidoiarengatik. Japonian filmatutako 'Three stripes in the Sun' obrarekin eman zituen aurreneko urratsak zinemari ●

LA FURA DELS BAUS taldeak polemika piztu du Israelen

Israeleko judu ortodoxoek gogor kritikatu dute La Fura del Baus antzerki talde katalanak gaur gauean Jerusalem eskainiko duen emanaldia, nahiz eta taldeko arduradunek «ezer larririk» gertatuko ez den itzaropena duten. Meir Forush hiriko alkateordeak egin ditu aurreneko salaketak eta «taldekideak lotsagabe batzuk» besterik ez direla azaldu du «Ikuskari hori inmorala da eta indarkeriaren aldeko apologia egiten dute», esan zuen Forush ●



IRAGARKI MERKEAK (943) 46 90 22

hika
hike antzerkia
943 472688

IRLANDA DUBLIN BELFAST
• Ingeles ikastaro trinkoak
• Hegaldi zuzenak Iruñea eta Bilbotik
• Egonaldiak familietan edo Unibertsitate Egoitzetan
SHANNON
Iturruma, 43. bis
Plantaritea (etxe berdeak) IRUÑEA
SHANNON Tel.: 948-27 90 36 / 17 48 38

MOZOLOAK TXARANGA
(943) 39 40 22

Etxe argitsu eta polit bat saltzen dut Zabaleta Kalean 16 Milioi - 943/42.45.28
IRAGARKI MERKEAK
(943) 469022

31 x 15 mm
EGUN BAT 1.040 pta/42l.
ASTEBETE 5.100 pta/208l.
BI ASTE 9.000 pta/360l.